

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA BOSANSKA KRUPA**



A N A L I Z A
mjera za ublažavanje negativnih posljedica pandemije
korona virusa COVID-19

Januar 2021.

I UVOD

Godina 2020. je po mnogo čemu specifična, drugačija usljed proglašenja pandemije korona virusa COVID-19. Promijenio se način ponašanja, poslovanja, nabave repromaterijala i distribucije proizvoda, privrednici su se morali prilagoditi novim uslovima rada kako bi održali proizvodnju i umanjili gubitke u poslovanju.¹

Općina Bosanska Krupa, kao odgovor na pandemiju, među prvima je reagovala i počela sa mjerama podrške za ublažavanje ekonomskih posljedica.

Prije donošenja programa mjera podrške Općina Bosanska Krupa je u aprilu 2020. godine upriličila radni sastanak sa predstavnicima malih i srednjih preduzeća na kojem su predložene mjere koje će imati najbolje efekte za poslovanje u uslovima epidemije. Na osnovu sugestija koje je Općina dobila od privrednika kreirani su mjere i programi podrške i do kraja godine uglavnom uspješno realizirani, s tim da se pojedine mjere zbog svoje prirode još uvijek realiziraju.

II PROGRAMI PODRŠKE POSLOVNIM SUBJEKTIMA

U cilju provođenja vanrednih mjera za sprečavanje i suzbijanje zarazne bolesti, te zaštite stanovništva na teritoriji Federacije Bosne i Hercegovine, a time i na području općine Bosanska Krupa zabranjeno je obavljanje djelatnosti određenim poslovnim subjektima naredbama Federalnog štaba civilne zaštite broj: 12-40-6-148-26/20 od 19.3.2020. godine, broj: 12-40-2-148-26-1/20 od 27.3.2020. godine, Naredbom Kriznog štaba Općine Bosanska Krupa broj: 01-40-2110/20 od 18.3.2020. godine, Naredbom Općinskog štaba civilne zaštite Bosanska Krupa broj: ŠCZ-40-114/20 od 23.3.2020. godine. Također, stupanjem na snagu odluka o proglašenju stanja nesreće uzrokovano pojavom koronavirusa (COVID 19) i navedenih naredbi pojedinim poslovnim subjektima je bilo otežano ili onemogućeno poslovanje.

Takve mjere izazvale su poteškoće u poslovanju poslovnim subjektima na teritoriji naše općine. Općina Bosanska Krupa, kao odgovor na pandemiju, među prvima je reagovala i počela sa mjerama i aktivnostima radi sprečavanja širenja bolesti uzrokovane korona virusom, preventivnim mjerama kao i sanacionim mjerama za ublažavanje negativnih posljedica izazvanih korona virusom (COVID-19).

Prije donošenja programa mjera podrške, Općina Bosanska Krupa je u aprilu 2020. godine upriličila radni sastanak sa predstavnicima malih i srednjih preduzeća na kojem su predložene mjere koje će imati najbolje efekte za poslovanje u uslovima epidemije. Uvažavajući sugestije koje je Općina dobila od privrednika kreiran je paket mjera za ublažavanje negativnih posljedica a koje su utvrđene Programom dodjele subvencija poslovnim subjektima pogođenim krizom izazvanom novim virusom korona (COVID-19) u općini Bosanska Krupa broj: 1-40-2110/20 (u daljem tekstu: Program), koji je dana 30.3.2020. godine donesen od strane Općinskog vijeća.

¹ Odlukom Vlade Federacija Bosne i Hercegovine proglašeno je stanje nesreće uzrokovane pojavom koronavirusa (COVID 19), kao i Odlukom Općinskog načelnika o proglašenju stanja nesreće uzrokovano pojavom koronavirusa (COVID 19) na području općine Bosanska Krupa broj: 06-40-2112/20 od 17.3.2020. godine.

Programom su utvrđene sljedeće vrste subvencija:

- Subvencioniranje primarne poljoprivredne proizvodnje - repromaterijala za redovnu i dodatnu sjetvu kukuruza, krompira i graha,
- Subvencije komunalne naknade,
- Subvencije naknade za zauzimanje javne površine,
- Subvencije troškova komunalnih usluga-odvoza otpada i
- Subvencije iznosa redovne kamate poslovnim subjektima.

U okviru drugog paketa mjera za ublažavanje negativnih posljedica izazvanih virusom korona (COVID-19) u općini Bosanska Krupa od strane Općinskog načelnika su donesena slijedeća aktai:

- Pravilnik o postupku i uvjetima dodjele jednokratne novčane pomoći licima kojima je u vrijeme trajanja stanja prirodne nesreće izazvane virusom covid 19 prestao radni odnos broj: 01-11-3558/20 od 30.6.2020. godine i broj: 01-11-3823/20 od 17.3.2020. godine
- Program javnih radova na području općine Bosanska Krupa „Javnim radom za zajednicu i čist okoliš“ broj: 01-19-3910/20 od 22.6.2020. godine, broj: 01-19-4278/20 od 17.7.2020. godine i broj: 01-19-5157/20 od 18.8.2020. godine;
- Program podrške subjektima male privrede zbog posljedica izazvanih pandemijom koronavirusa (COVID-19) u 2020. godini broj: 01-11-4031/20 od 26.6.2020. godine na koji je Općinsko vijeće dalo saglasnost.

Neposredno nakon proglašenja stanja prirodne nesreće uzrokovane pandemijom korona virusom krenulo se sa kreiranjem i provođenjem programa usmjerenih ka bosanskokrupskim privrednicima u šta je utrošeno više od 700.000 KM. Subvencionirana je primarna poljoprivredna proizvodnja, odnosno nabavka repromaterijala za redovnu i dodatnu sjetvu kukuruza, krompira i graha, subvencionirane su komunalne naknade, zatim naknade za zauzimanje javne površine, troškovi komunalnih usluga-odvoza otpada, subvencioniran iznos redovne kamate poslovnim subjektima. Dodjeljena je jednokratnu pomoć privrednicima od 800 maraka za svakog radnika kao refundacija za isplaćene plaće za period 18. mart – 12. maj. Proveden je program javnih radova gdje je za čišćenje, uređenje obala rijeka, tvrđava, angažirano oko pedeset nezaposlenih lica i omogućeno im da zarade 1.000 KM. Posljednji u nizu poziva, odnosno mjera kojima Općina Bosanska Krupa oporavlja ekonomiju, sanira posljedice izazvanih koronavirusom, odnosio se na subjekte male privrede koji zapošljavaju manje od deset lica.

III PODUZETE MJERE

1. Subvencioniranje primarne poljoprivredne proizvodnje

Prva mjera koju je Općina Bosanska Krupa poduzela u cilju otklanjanja ekonomskih posljedica pandemije jeste subvencioniranje primarne poljoprivredne proizvodnje. Pripremljen je i od strane Općinskog vijeća usvojen Pravilnik o načinu utroška sredstava za poticaj primanoj poljoprivrednoj proizvodnji na području Općine Bosanska Krupa („Službeni glasnik općine Bosanska Krupa“ broj: 3/20). Objavljeni su Javni pozivi zainteresiranim licima za proljetnu sjetvu redovnih i dodatnih sjetvenih površina kukuruza, graha i krompira u periodu mart i april 2020. godine. U skladu sa Pravilnikom zaprimljene su i obrađene prijave zainteresiranih proizvođača, te je ukupan broj korisnika Subvencioniranja primarne poljoprivredne proizvodnje – repromaterijala za redovnu i dodatnu sjetvu kukuruza, krompira i graha 814, a ukupan iznos subvencije je 295.562,60 KM.

Također, Općina Bosanska Krupa kao jedinica lokalne samouprave koja sufinansira programe poticanja proljetne sjetve uredno je poslala svoju prijavu na Javni poziv za prikupljanje prijave za poticanje proljetne sjetve u Federaciji BiH za 2020. godinu za poljoprivredne proizvođače upisane u Registar poljoprivrednih gazdinstava i/ili Registar klijenata koji je raspisalo Federalno ministarstvo za poljoprivredu, vodoprivredu i šumarstvo dana 10.04.2020. godine. Klijenti – Jedinice lokalne samouprave gradovi/općine podnose prijavu na ovaj Javni poziv na obrascu PSRP koji sadrži preliminarnu listu krajnjih korisnika i druge podatke za poljoprivredne proizvođače sa svog područja za troškove sufinansiranja: - nabavke sjemena, mineralnih gnojiva i zaštitnih sredstava za proizvodnju, silažnog i merkantilnog kukuruza, heljde, povrća (paradajz, paprika, krastavac, patlidžan, mrkva, cvekla, grah, luk bijeli, luk crveni, zelena salata, krompir i sl.) i drugih poljoprivrednih kultura. Po ovom Javnom pozivu Općina Bosanska Krupa zaključila je Sporazum o realizaciji Programa poticanja proljetne sjetve sa Federalnim ministarstvom za poljoprivredu, vodoprivredu i šumarstvo. Sporazumom je definisan model finansiranja i to: učešće Općine Bosanska Krupa u iznosu od 10.000,00 KM i učešće Ministarstva u iznosu od 40.000,00 KM. Provedena je procedura dodjele sredstava krajnjim korisnicima sa konačne rang liste koja je sadržavala 76 korisnika.

Nadalje, pripremljena je prijava na Javni poziv Federalnog ministarstva za poljoprivredu, vodoprivredu i šumarstvo za sufinansiranje troškova jesenje sjetve. Prijava je prihvaćena, potpisan je Sporazum između Federalnog ministra i Općine Bosanska Krupa i u toku je procedura prikupljanja dokaza o kupovini repromaterijala za jesenju sjetvu za 101 korisnika, u skladu sa sporazumom. Ukupno raspoloživa sredstva su 50.000 KM.

Za subvencioniranje primarne poljoprivredne proizvodnje ukupno su plasirana sredstva 359.146 KM, od toga iz Budžeta Općine Bosanska Krupa 169.146 KM, a iz eksternih izvora 190.000 KM (70.000 KM Podrška Vlade FBiH biljnoj proizvodnji; 80.000 KM Podrška Vlade USK-a proljetnoj sjetvi i 40.000 Program proljetne sjetve FMPVŠ).

Nakon proglašenja stanja prirodne nesreće, kao posljedica neizvjesnosti i straha od nestašice hrane, povećao se broj zainteresiranih lica za bavljenje poljoprivrednom proizvodnjom s namjerom da se zasiju veće površine poljoprivrednim kulturama. Općina Bosanska Krupa spremno je odgovorila sa mjerom Subvencioniranje primarne poljoprivredne proizvodnje, te uz veliko zalaganje prvenstveno Službe nadležne za poljoprivredu u suradnji sa ostalim službama, radeći u uslovima kada nismo imali ni zaštitne opreme ni sredstava za dezinfekciju niti dovoljno znanja o pandemiji, provela Javni pozivi zainteresiranim licima za proljetnu sjetvu redovnih i

dodatnih sjetvenih površina kukuruza, graha i krompira u martu i aprilu mjesecu 2020. godine, te organizirala sve aktivnosti poštujući maksimalno stroge epidemiološke mjere. Kasnije su uslijedili i javni pozivi Federalnog ministarstva poljoprivrede, vodoprivrede i šumarstva za podršku primarnoj poljoprivrednoj proizvodnji. Kao rezultat su zasijane znatno veće površine u odnosu na prethodne godine, povećani prinosi krompira i kukuruza kojem su i vremenske prilike išle na ruku. Nažalost, zasadi graha se većim dijelom nisu održali zbog nepovoljnih vremenskih prilika i pojave plemenjače.

2. Subvencija komunalne naknade po Odluci

Na osnovu Odluke o subvencioniranju ("Službeni glasnik općine Bosanska Krupa", broj: 4/20, 5/20 i 7/20) subvencioniranje podrazumijeva plaćanje cjelokupnog ili dijela iznosa komunalne naknade utvrđenog rješenjem Službe za komunalno-stambene poslove i infrastrukturu, zavisno o djelatnosti koju obavljaju. Pravo na subvencioniranje imaju pravna i fizička lica kojima je usljed donesenih mjera kriznih štabova poslovanje bilo zabranjeno ili otežano, a o pravu na subvenciju po službenoj dužnosti rješenjem odlučuje općinski načelnik putem Službe za komunalne djelatnosti, vode, zaštitu okoliša i inspeksijske poslove.

Prema podacima Službe za komunalne djelatnosti, vode, zaštitu okoliša i inspeksijske poslove iznos koji se potražuje od pravnih lica po osnovu izdanih rješenja za komunalnu naknadu za 2020. godinu jeste 91.883,30 KM. Po službenoj dužnosti izdana su 123 rješenja za subvenciju komunalne naknade u iznosu 100%, odnosno novčani iznos subvencije je 27.307,10 KM, te 178 rješenja za subvenciju komunalne naknade u iznosu 50%, odnosno novčani iznos subvencije je 37.639,18 KM.

Ukupna planirana sredstva za ovu namjenu (budžetski kod 614519-Subvencije komunalne naknade po Odluci) su 76.500 KM, a izvršenje u 2020. godini prema raspoloživim podacima jeste 58.509,33 KM.

3. Subvencije naknade za korištenje javnih površina po Odluci (po službenoj dužnosti zadužena Služba za komunalne djelatnosti, vode, zaštitu okoliša i inspeksijske poslove)

Na osnovu Odluke o subvencioniranju ("Službeni glasnik općine Bosanska Krupa", broj: 4/20, 5/20 i 7/20) subvencioniranje podrazumijeva plaćanje cjelokupnog iznosa naknade za privremeno korištenje javnih površina utvrđenog rješenjem Službe za komunalno-stambene poslove i infrastrukturu i ugovorom zaključenim između Općine Bosanska Krupa i korisnika javne površine. Pravo na subvencioniranje imaju pravna i fizička lica korisnici javnih površina na području općine Bosanska Krupa kojima je usljed donesenih mjera kriznih štabova poslovanje bilo zabranjeno ili otežano, a o pravu na subvenciju po službenoj dužnosti rješenjem odlučuje općinski načelnik putem Službe za komunalne djelatnosti, vode, zaštitu okoliša i inspeksijske poslove.

Prema podacima Službe za komunalne djelatnosti, vode, zaštitu okoliša i inspeksijske poslove iznos koji se po osnovu ugovora o zakupu javnih površina za 2020. godinu potražuje od pravnih lica jeste 35.372,19 KM. Ukupno je 10 korisnika subvencije za zakup javne površine u visini 50%, odnosno novčani iznos subvencije je 11.361,00 KM, te 14 korisnika subvencije u visini 100%, odnosno novčani iznos subvencije je 12.650,90 KM.

Ukupna planirana sredstva za ovu namjenu (budžetski kod 614519-Subvencije naknade za korištenje javne površine po Odluci) su 27.000 KM, a izvršenje u 2020. godini prema raspoloživim podacima jeste 23.235,41 KM.

4. Subvencija troškova komunalnih usluga odvoza otpada po Odluci (po službenoj dužnosti zadužena Služba za komunalne djelatnosti, vode, zaštitu okoliša i inspeksijske poslove)

Na osnovu Odluke o subvencioniranju ("Službeni glasnik općine Bosanska Krupa", broj: 4/20, 5/20 i 7/20) subvencioniranje podrazumijeva plaćanje cjelokupnog ili dijela troškova komunalnih usluga-odvoza otpada po izdatim računima od strane JKP „10. Juli“ Bosanska Krupa, iz Budžeta Općine Bosanska Krupa, zavisno o djelatnosti koju obavljaju. Pravo na subvencioniranje imaju pravna i fizička lica korisnici komunalnih usluga kojima je usljed donesenih mjera kriznih štabova poslovanje bilo zabranjeno ili otežano, a o pravu na subvenciju po službenoj dužnosti rješenjem odlučuje općinski načelnik putem Službe za komunalne djelatnosti, vode, zaštitu okoliša i inspeksijske poslove. Broj korisnika ove subvencije je 247 a ukupan iznos subvencije je 11.295,85 KM.

Ukupna planirana sredstva za ovu namjenu (budžetski kod 614519-Subvencije troškova komunalnih usluga odvoza otpada po Odluci) su 11.500 KM, a izvršenje u 2020. godini prema raspoloživim podacima jeste 11.295,85 KM.

5. Subvencija iznosa redovne kamate poslovnim subjektima po Odluci

Na osnovu Odluke o subvenciji iznosa sredstava redovne kamate poslovnim subjektima ("Službeni glasnik općine Bosanska Krupa", broj: 4/2020), korisnici subvencije mogu biti poslovni subjekti čije je sjedište na teritoriji općine; kojima je zabranjeno ili otežano obavljanje djelatnosti aktima Federalnog i/ili Općinskog štaba civilne zaštite, u skladu s osnovnom djelatnošću poslovnog subjekta; koji ima pad prometa 20% i više u periodu 1.1.-30.4.2020. godine u odnosu na 1.1.-30.4.2019. godine te koji na dan 29.2.2020. godine nema dospjelih a neizmirenih obaveza prema Općini, po bilo kom osnovu.

Objavljen je javni poziv 31.4.2020. godine koji je ostao otvoren do 31.12.2020. godine. Ukupno su prijavljena 3 aplikanta a dva su zadovoljila uslove za dodjelu subvencije. Isplata subvencije vrši se mjesečno, po dostavljenom dokazu od strane korisnika subvencije o uplati anuiteta.

Ukupna planirana sredstva za ovu namjenu su 5.000 KM, izvršenje u 2020. godini prema raspoloživim podacima jeste 959,24 KM, a isplata subvencija iznosa redovne kamate nastavlja se i u 2021. godini.

6. Grant za podršku privredi - pomoć otpuštenim radnicima,

Na osnovu Pravilnika o postupku i uvjetima dodjele jednokratne novčane pomoći licima kojima je u vrijeme trajanja stanja prirodne nesreće izazvane virusom COVID 19 prestao radni odnos broj: 01-11-3558/20 od 3.6.2020. godine i Pravilnika o dopunama Pravilnika o postupku i uvjetima dodjele jednokratne novčane pomoći licima kojima je u vrijeme trajanja stanja prirodne nesreće izazvane virusom COVID-19 prestao radni odnos broj: 01-11-3823/20 od 17.6.2020.

godine, objavljen je javni poziv za dodjelu jednokratne novčane pomoći, te proveden postupak odabira korisnika. Cilj pružanja novčane pomoći jeste ublažavanje stanja socijalne potrebe prouzrokovane prestankom radnog odnosa.

Jednokratnu novčanu pomoć dobilo je 37 radnika kojima je prestao radni odnos usljed pandemije koronavirusa COVID-19. Visina jednokratne novčane pomoći jeste u iznosu 379,60 KM odnosno. Ukupan iznos koji je dodijeljen jeste 14.045,29 KM.

7. Subvencija za javne radove

U okviru drugog paketa mjera za ublažavanje negativnih posljedica izazvanih virusom korona (COVID-19) od strane Općinskog načelnika donesen je i akt Program javnih radova na području općine Bosanska Krupa „Javnim radom za zajednicu i čist okoliš“ broj: 01-19-3910/20 od 22.6.2020. godine, broj: 01-19-4278/20 od 17.7.2020. godine i broj: 01-19-5157/20 od 18.8.2020. godine. Program javnih radova na području općine Bosanska Krupa „Javnim radom za zajednicu i čist okoliš“ se temelji na društveno korisnom radu i mora biti neprofitan i nekonkurentan postojećoj ekonomiji na području na kojem se obavlja. Cilj Programa je čišćenje obala rijeka Une i Krušnice, izletišta Šujnovac, Velikih ada, starih gradova u Bosanskoj Krupi i Jezerskom od otpadnog materijala i samoniklog grmlja i šiblja, angažovanjem nezaposlenih lica sa evidencije nezaposlenih Javne ustanove „Služba za zapošljavanje Unsko-sanskog kantona“ Bihać, Biro rada Bosanska Krupa uz naknadu, a u svrhu izvršavanja poslova od šireg društvenog interesa. Angažovanjem nezaposlenih osoba u javnim radovima, društveno korisnim radom potiče se njihova socijalna uključenost, te omogućuje zarada kroz saradnju jedinice lokalne samouprave i institucija u njihovom vlasništvu, kao i nevladinih udruženja. Ujedno se povećava motiviranost za ostvarivanje naknade dugotrajno nezaposlenih osoba, s posebnim naglaskom na njihovu socijalnu uključenost. Pored navedenog, Program ima za cilj i podizanje svijesti javnosti, te se pokušava umanjiti dosadašnja praksa nepravilnog odlaganja otpada, a time i smanjiti zatrpavanje korita i obala rijeka, kao i drugih javnih površina otpadom. Učesnici u realizaciji Programa su: Općina Bosanska Krupa, JKP „10. Juli“ d.o.o. Bosanska Krupa, Kanu klub „Kormoran“ Bosanska Krupa, ŠPD „Unsko-sanske šume“ d.o.o. Bosanska Krupa i radno sposobne osoba sa područja općine Bosanska Krupa koja se nalaze na evidenciji nezaposlenih Javne ustanove „Služba za zapošljavanje Unsko-sanskog kantona“ Bihać, Biro rada Bosanska Krupa.

Programom su angažovana 64 nezaposlena lica, očišćene obale rijeke Une u Bosanskoj Krupi i Bosanskoj Otoci, Velike ade, izletišta Šujnovac, lijeva obala rijeke Krušnice, Unadžik, stari gradovi u Bosanskoj Krupi i Jezerskom, a realizirana su sredstva u iznosu 72.588,41 KM.

8. Subvencija prevoza redovnih općinskih linija

U skladu s Odlukom o izmjeni i dopunama Odluke o izvršavanju Budžeta Općine Bosanska Krupa za 2020. godinu, sredstva planirana pod stavkom Ostale subvencije privatnim preduzećima i poduzetnicima-subvencija prevoza redovnih općinskih linija izvršavat će se u skladu sa aktima Općinskog načelnika.

Za subvencioniranje prevoza redovnih općinskih linija na relaciji Bosanska Krupa-Bosanska Otoka – Ivanjski put; Šabići-Veliki Badić-Bosanska Krupa; Mahmić Selo-Pištaline-Bosanska Krupa planirana su sredstva u iznosu 20.000 KM, a ista su na osnovu potpisanih ugovora i isplaćena.

9. Grant za podršku privredi – Korona

9.1. Program podrške subjektima male privrede zbog posljedica izazvanih pandemijom koronavirusa (COVID-19) u 2020. godini

U skladu s Programom podrške subjektima male privrede zbog posljedica izazvanih pandemijom koronavirusa (COVID-19) u 2020. godini broj: 01-11-4031/20 od 26.6.2020. godine na koji je Općinsko vijeće dalo saglasnost raspisana su dva javna poziva za dodjelu nepovratnih sredstava subjektima male privrede. Putem ovog Programa pruža se podrška određenim djelatnostima subjekata male privrede-pravnim i fizičkim licima kojima je zabranjen rad prema naredbama štabova civilne zaštite. Nepovratna sredstva će se koristiti kao refundacija za isplaćene plaće za period 18.3.-12.5.2020. godine po svakom zaposlenom u iznosu od 800,00 KM subvencije plata radnika za vrijeme stanja prirodne nesreće.

Na objavljene javne pozive ukupno je prijavljeno 36 pravnih/fizičkih lica a pravo na subvenciju su ostvarila 22 pravna/fizička lica za 51 radnika. Ukupno podrška po ovom Programu iznosila je 40.800 KM.

U narednoj tabeli prikazan je broj korisnika programa po vrsti djelatnosti kojom se bave.

Djelatnost	Broj korisnika programa	Broj radnika	Ukupan iznos
Ugostitelji	5	24	19.200
Trgovine (od toga 4 polovnom robom, 1 boks na tržnici, 3 specijalizirane trgovine i 4 raznim neprehrambenim proizvodima)	12	15	12.000
Autoškole	2	8	6.400
Berberin	1	1	800
Turističke i putničke agencije	2	3	2.400
UKUPNO	22	51	40.800

9.2. Program podrške subjektima male privrede koji su pogođeni posljedicama izazvanih pandemijom COVID-19 za održavanje tekuće likvidnosti i očuvanje radnih mjesta

Putem Programa podrške subjektima male privrede koji su pogođeni posljedicama izazvanih pandemijom COVID-19 za održavanje tekuće likvidnosti i očuvanje radnih mjesta broj: 01-11-7-5798/20 od 14.9.2020. godine pruža se podrška privrednim subjektima registrovanim na području općine Bosanska Krupa najkasnije do 28.2.2019. godine koja zapošljavaju manje od 10 lica, a koja su ostvarila pad prihoda veći od 20% u periodu od 1.3.2020. godine do 31.8.2020. godine u odnosu na isti period 2019. godine. Po javnom pozivu proveden je postupak odabira korisnika te je podržano 80 subjekata male privrede uz obavezu da zadrže minimalno isti broj radnika kao na dan 31.8.2020. godine u trajanju 3-6 mjeseci, što je precizirano ugovorima koji su potpisani 14.10.2020. godine. Služba za upravljanje razvojem zadužena je za praćenje realizacije ugovornih obaveza za vrijeme trajanja ugovora.

Ukupno realizirana sredstva po ovom programu su 126.800 KM.

U narednoj tabeli prikazan je broj korisnika programa po djelatnostima kojima se bave.

Djelatnost	Broj korisnika programa	Broj radnika	Ukupan iznos
Automehaničari i vulkanizeri	4	15	5.600
Autoškola	2	8	4.800
Drvena industrija	4	23	11.200
Eksploatacija dolomita	1	6	4.000
Frizer	4	6	2.400
Grafički dizajn	1	2	400
Instalaterski radovi	3	12	11.400
Kozmetičar	2	3	800
Metalna industrija	2	6	4.400
Proizvodnjamliječnih proizvoda	1	3	1.600
Optičarska radnja	1	5	4.000
Pekar	3	11	5.400
Prerada kože	1	2	600
Prevoz	1	1	800
Pržiona kafe	1	1	2.400
Staklar	1	4	1.200
Stomatološka ordinacija	1	3	2.400
Trgovačka radnja (TR i DOO)	24	52	31.800
Turistička djelatnost	1	2	4.000
Ugostiteljstvo (UG i DOO)	19	60	22.000
Uslužne (notar, geometar, informatičko savjetovanje)	3	8	5.600
UKUPNO	80	233	126.800

MJERE UBLAŽAVANJA POSLJEDICA PANDEMIJE KORONA VIRUSA COVID-19

R/br	Mjera/Program	Osnov	Broj korisnika	Iznos subvencije
1.	Subvencioniranje primarne poljoprivredne proizvodnje	<p>Pravilnik o načinu utroška sredstava za poticaj primarnoj poljoprivrednoj proizvodnji na području Općine Bosanska Krupa („Službeni glasnik općine Bosanska Krupa“ broj: 3/20)</p> <p>Javni poziv FMPVŠ za prikupljanje prijava za poticanje proljetne sjetve</p> <p>Javni poziv Federalnog ministarstva za poljoprivredu, vodoprivredu i šumarstvo za sufinansiranje troškova jesenje sjetve</p>	<p>814 korisnika</p> <p>76 korisnika</p> <p>u toku</p>	<p>359.146 KM (JLS 169.146 KM, Podrška Vlade FBiH biljnoj proizvodnji 70.000 KM; Podrška Vlade USK-a proljetnoj sjetvi 80.000 KM Program proljetne sjetve FMPVŠ 40.000).</p>
2.	Subvencija komunalne naknade po Odluci	Odluke o subvencioniranju („Službeni glasnik općine Bosanska Krupa“, broj: 4/20, 5/20 i 7/20)	123 pravna lica subvencionirano 100% 178 pravnih lica subvencionirano 50%	58.509,33
3.	Subvencije naknade za korištenje javnih površina po Odluci	Odluke o subvencioniranju („Službeni glasnik općine Bosanska Krupa“, broj: 4/20, 5/20 i 7/20)	10 pravnih lica subvencionirano 50% 14 pravnih lica subvencionirano 100%	23.235,41
4.	Subvencija troškova komunalnih usluga odvoza otpada po Odluci	Odluke o subvencioniranju („Službeni glasnik općine Bosanska Krupa“, broj: 4/20, 5/20 i 7/20)	Po službenoj dužnosti zadužena Služba za komunalne djelatnosti, vode, zaštitu okoliša i inspeksijske poslove	11.295,85
5.	Subvencija iznosa redovne kamate poslovnim subjektima po Odluci	Odluke o subvenciji iznosa sredstava redovne kamate poslovnim subjektima („Službeni glasnik općine Bosanska Krupa“, broj: 4/2020)	Pravo na subvenciju ostvarila dva privredna subjekta	959,24
6.	Grant za podršku privredi - pomoć otpuštenim radnicima	Pravilnik o postupku i uvjetima dodjele jednokratne novčane pomoći licima kojima je u vrijeme trajanja stanja prirodne nesreće izazvane virusom COVID 19 prestao radni odnos broj: 01-11-3558/20 od 3.6.2020. godine	Jednokratnu novčanu pomoć dobilo 37 lica - radnika koji su ostali bez posla usljed pandemije koronavirusa COVID-19	14.045,20
7.	Subvencija za javne radove	Program javnih radova na području općine Bosanska Krupa „Javnim radom za zajednicu i čist okoliš“ broj: 01-19-3910/20 od 22.6.2020. godine, broj: 01-19-4278/20 od 17.7.2020. godine i broj:01-19-5157/20 od 18.8.2020. godine	Angažovano 64 nezaposlenih lica na javnim radovima uređenja obala Krušnice i Une, izletišta Šujnovac i strogradskih tvrđava u Bosanskoj Krupi i Jezerskom	72.588,41
8.	Subvencija prevoza redovnih općinskih linija	Na osnovu akata Općinskog načelnika	Potpisana 2 Ugovora o subvenciji	20.000,00

9.	Grant za podršku privredi – Korona	<p>Program podrške subjektima male privrede zbog posljedica izazvanih pandemijom koronavirusa (COVID-19) u 2020. godini broj: 01-11-4031/20 od 26.6.2020. godine</p> <p>Program podrške subjektima male privrede koji su pogođeni posljedicama izazvanih pandemijom COVID-19 za održavanje tekuće likvidnosti i očuvanje radnih mjesta broj: 01-11-7-5798/20 od 14.9.2020. godine</p>	<p>Dva javna poziva za subvencije plata radnika za vrijeme stanja prirodne nesreće (22 korisnik; 40.800 KM)</p> <p>Javni poziv za podršku subjektima male privrede koji su pogođeni posljedicama izazvanih pandemijom COVID-19 za održavanje tekuće likvidnosti i očuvanje radnih mjesta (80 korisnika; 126.800 KM)</p>	167.600,00
UKUPNO				709.379,44

ZAKLJUČAK

Općina Bosanska Krupa među prvima je poduzela konkretne korake u cilju ublažavanja ekonomskih posljedica pandemije korona virusa COVID-19 i usvojila prvi i drugi krug mjera.

Prioritet je bio podržati postojeća mala i srednja preduzeća i samostalne poduzetnike i zadržati radna mjesta, te pomoći poljoprivrednim proizvođačima i stanovnicima naše općine da kroz zasijane dodatne količine primarnih poljoprivrednih kultura obezbijede veće količine hrane.

Sredstva za ove mjere obezbijeđena su na način da su se kroz prestruktuiranje Budžeta sredstva na prioritetne mjere preusmjerila sa drugih projekata i stavki koji su stavljani na čekanje.

Ukupna vrijednost navedenih mjera za ublažavanje ekonomskih posljedica pandemije je iznosila: 709.379,44 KM (519.379,44 KM iz Budžeta općine, te 190.000 za poljoprivrednu proizvodnju od viših nivoa vlasti).

Važno je istaći da je pomoć koja je pružena bila pravovremena i u skladu sa mogućnostima. Naravno, iskazani gubici i posljedice pandemije su višestruko veći i saniraće se i u narednim godinama. Prilikom kreiranja programa podrške trebalo bi voditi računa da se, pored privrednika koji zapošljavaju veliki broj radnika, osmisle programi podrške i za samostalne poduzetnike, te mala i srednja preduzeća koja zapošljavaju manji broj radnika, kojima bi bio obuhvaćen veći broj korisnika u cilju održavanja proizvodnje i zadržavanja radnika.

Služba za upravljanje razvojem